



六家表啓選評序



歆菴先生讀書之暇隨意丹鉛
架上遺編評隲幾遍六家表啓
其一種也梁劉舍人摠論書記
別源流列為二十四家而首重表箋

至取義於舒取象於共上下所以相
通儕偶所以相信用發舒其意
而明決其辭蓋在操符執契之
上矣表秦之儀昉於秦漢尊堂
卑陛不得不鄭重其體然當時

人臣得上書天子雖封囊補續為
用殊科要以敬而不憚簡而無
傲清美其質而彪蔚其條渡江以
後漸事駢耦金聲玉振夏之乎
其出之以至濡籤奉箭率取以

排上窺表則不足下睨書則有餘
情貌日繁而規揆遂只富忘其
勢然也唐之詰匠刻意扶無寧措
理詰曲而不肯遣調鏗旬乃河東處
仕黜之文假仰頰之具會文覈實其

義洞然迄乎有宋君子鉛黃盡洗獨
闢妍姿彬之雅於斯盛矣永叔介
甫或取材綸詰之餘或澤言經術之
內辟巨棟裁為樞楠美錦製作璠
瑜運椽扛鼎固可守而知也至眉山

兄弟而抑禁守騷之致纏綿往
復之情咸遇圓而規觸方成折立
言之妙蔭映古人新觀沿之一往
奔放雖門閥各異同為尹吉之妹
燈燭不傳其是迦文之鉢名曰大

家誰有恠色乎歇菴先生陸氏
之鄉居歐蘊之位有王之夢而消
其褊賦極之才而謝其屯居恒上
下天人宣蘊金石縱心調暢懌懷從
容而尋味遺式采集羣芳刁札

所披似漆皆韻較之伐山汰實繼
洞探珠功費不煩而家刊照彙
其為冊府菴壇助非淺眇矣今
世表學疎漏試士之牘取給夙
主目因之仍陋齟舛甚則典禮制

作亦借餽殘庖而竿尺先資都
塗扼蠟往擲面不視無孟公
百封之贍冒中郎半簡之名亦
文事之辱也巨宗家學代沿青
箱搜刻斯編殆有披時深意安

得起知言如劉勰者與共商確源
流辨歸同異俾六君子菁華
上合聲畫之細即歇菴先生而
在寧復有鄭衛雅樂之嘆哉

西吳韓敬謨



唐宋六家表啓序

肺腑語乎語乎筆畫盡筆語
乎尤在君父朋儕間曷君父朋儕
乎語上下交鄰國交焉爾偶乎觀
乎偶奇乎觀乎奇庸爾徑爾告之
忠也爾矣故夫譚經晰秘掇理上

游曾未若露札片牘恍接斯人古
用辭命排大事解刻紉匪細故
矣而文章之道綺質竄乎風會
驅服換以時趨此石簣先生有唐宗
六家之選也六家之文冕旒三代經營
試用約略表啟中先生勒部分區

標疵揭隱一掃雲霧昭垂日星雖
遇遘異局步向異塗純雜異品白
則白爾赤則赤爾掎與盛哉六經
尚矣昭明為宰豪傑蔚起嗣興
開元韻脚咸乘厥運匪自一人奧
洩而華華恬而風風定還質惟

時末初百年間與愈宗元皆起衰
振業柳州徵以峻少世福六一祖宗
綽有其骨荆國霸主自強待擊手
眉川兄弟疏一代滯氣才不少減
而輒以軾掩游善讀父書俊越
殿宗才至表啓則直抒隱隱昂

時爭雄聞見相及刺擊齊妙謂異
代之書乎紮澤無膏膩工鮮織縫
真似嬰童愷臨師保世之攀墨林
涉義海斯其梯航與飲食與
而掖文衰於墮地端術崇經引
級小子長巨宗壽于是研於越之

崢嶸濡苔川之清潤而為之點額

音

天啟二年人日鹽官陳梁謹序



唐柳子厚表啟目

禮部賀冊尊號表

為京兆府請復尊號表三首

禮部為文武百寮請聽政表三首

為王京兆皇帝卽位禮畢賀表

禮部賀冊太上皇后表

禮部賀太上皇后冊畢賀表

御史臺賀嘉禾表

禮部賀嘉禾及芝草表

禮部賀嘉瓜白兔連理棠樹等表

禮部賀甘露表

禮部賀白龍并青蓮花合懽蓮子黃瓜等表

禮部賀嘉瓜表

爲王京兆賀嘉蓮表

爲王京兆賀雨表三首

爲裴中丞賀克東平赦表

柳州賀破東平表

代裴中丞賀分淄青爲三道節度表

爲韋侍郎賀布衣竇郡除右拾遺表

爲樊左丞讓官表

代韋中丞謝討黃少卿賊表

爲崔中丞請朝覲表

爲劉同州謝上表

爲裴行立謝移鎮表

代韋永州謝上表

柳州謝上表

奏薦從事表

爲武中丞謝賜櫻桃表

爲南承嗣請從軍狀

代人進薨器狀

柳州上本府狀

爲裴中丞伐黃賊牒

賀誅淄青逆賊李師道狀

賀平淄青後肆赦狀

賀分淄青諸州爲三道節度狀

爲裴中丞上裴相公破東平狀

爲桂州崔中丞上中書門下乞朝覲狀

爲南承嗣上中書門下乞兩河効用狀

陶石簣先生批選唐宋六家表啟

唐河東柳宗元子厚

禮部賀冊尊號表

臣聞立極之大、四海無以報神功、配天之尊、萬物不能崇聖德、唯有徽號是彰中興、所以上探天心、下極人欲、中賀伏惟元和聖文神武法天應道皇帝陛下、統承千載、光被六幽、蝨賊盡除、福應皆集、有首有趾、咸識太平、勲臣增爵祿之榮、戎士加賞延之寵、片善必錄、微功盡昇、獨惟聖暮事絕、酬答

萬國觖望百工怨思是以啟元和之盛典延穹昊
之景祚理歷凝命實曰聖文和衆定功時惟神武
運行有法天之用變化乃應道之方鬼神協謀夷
夏同志大禮既建鴻恩遂行歡呼遠匝於九圍滲
漉普周於八裔慶超邃古美冠將來臣獲守蠻荒
遠承大典潢汙比陋河清幸遂於千年塵壤均微
山呼願同於萬歲

爲京兆府請復尊號表第一

人心已鬱安可久違天意實勤諒難固拒撫狀感

悅深契微誠

中謝

伏惟皇帝陛下聖神之功貫於

天地文武之道超乎古今盛德愈大而謙光益深
玄化已成而微號未復遂使神祇觖望人庶怨思
沐浴復澤者敢懷晷刻之安捧戴皇恩者不知寢
食之適負媿懷憤萬方一心日月以冀遂淹星歲
况今地不愛寶致百穀之豐穰天惟降衷呈衆瑞
而繁秀汚萊瘠鹵之地混成大田草木蟲獸之微
化爲神貺萬靈垂鑒昭然甚明此而不從臣所大
惑矧又兵戎永戢夷狄咸懷煦然長春樂以終日

是以耆老等深感聖育，踴躍不寧，上奉天恩，跼蹐知懼，頓顙闕下，願復鴻名，不謀而同，無期而至。此皆上玄幽贊，以誘其衷，列聖垂靈，以悟其意。臣以爲陛下當敬于斯旨，不可忽也。臣又伏以陛下賞功以能，舉賢出滯，小言不廢，片善是褒，豈可使臣子之效雖微，而必旌君父之德，盡美而無稱。凡在覆載，不勝懇禱，惶恐之至。

第二表

捧對惶遽，不知所裁。天實命之，於臣何有。中謝臣

聞聖君以奉天爲心，不以謙冲爲德，以順人爲大，不以崇讓爲優。今陛下深拒天人之誠，猶懷謙讓之道，臣等愚惑，未知所歸。且百祥薦臻，特表昊穹之睠，五穀蕃熟，用彰后土之勤。億兆嗷嗷，籲天請命，上下交應，幽明同心。舉而違之，臣所未識。况臣等共被仁育，同臻太和。陛下德達上玄，以豐臣之衣食，道躋壽域，以延臣之歲年。沐浴皇風，二十餘載。兒童感化，鰥寡知恩。故臣等出鄉之時，歡呼遍野，閭里勉臣，以不進不止。妻孥誓臣，以不遂不歸。

唯竭血誠退無面目便當隕首闕下終不徒還伏
惟陛下照臣懇迫之情哀臣羸老之命

第三表

衆心尚阻天意未從懇迫逾深兢惶無措中謝伏
惟皇帝陛下道大益謙化成彌損雖江海善下每
應朝宗之心而日月居高久稱照臨之位况復上
承天命下覩人誠若然辭之理有不可伏以陛下
功參造化政體乾坤萬邦宅心百靈效職此聖之
至也明並兩曜信如四時先天不違窮神知化此

神之極也道德純備禮樂興行宸翰動於三光睿
藻窮於六義此文之備也五兵不試七德咸宣殊
方者知歸負固者率服此武之成也黃龍皓兔甘
露慶雲神禾嘉瓜祥蓮瑞木萬物暢遂百穀茂滋
此天之至靈也黎老班白伏守闕庭鰥嫠童幼謠
歌道路此人之至誠也有其德而無其號拒乎天
而違乎人雖陛下謙讓之至美抑非臣心之所安
也伏以賤志難明微誠莫達戴天彌懼履地益慙
伏願早建大號以稱天人之心

禮部爲文武百寮請聽政表第一

臣聞大道必體於至公、大孝莫高於善繼、上觀列
聖、旁考前王、罔不俯就禮文、仰承大事、嚴奉宗廟、
慰安元元、然後德教惟新、邦家永固。中謝伏惟皇
帝陛下、寢苦泣血、號慕無時、貫于神明、動于天地、
未臨庶政、猶狗至誠、凡在人臣、孰不哀懼、伏惟先
聖遺旨、俾陛下抑哀而聽政、本朝乏人、使臣等竭
忠以奉上、非敢懼死、輒布懇詞、期於必從、以慰寰
宇、且王業至重、軍國方殷、一日萬機、不可暫闕、伏

願追遵顧命、蹈履成規、恢王者華夷之望、順上帝
乃眷之懷。

第二表

臣聞聖凡殊途、邦家異禮、故王者捨已從物、用身
許天、雖居達喪、猶以事奪。中謝伏以大行皇帝道

成、鑄鼎仙等御龍、萬姓長號、九有顛望、陛下以聰
明睿聖、嗣守寶圖、爰及宅憂、迨茲累日、而孝思罔
極、尚輟乃雍之言、庶政未釐、頗闕如絲之命、臣等
嘗覽載籍、粗知喪紀、若成周顧命、歷代猶遵、西漢

詔音前王所奉我國家以孝理天下文明應期上用此法胥以傳授蓋事歸至當則不可不遵禮貴從宜則不得不守理固然也臣等是以上陳愚懇輕瀆宸嚴冀遂血誠俯親國政而陛下報喪逾切聽理未聞億兆嗷嗷不知所訴臣以爲天子之孝在於保安社稷司牧蒸黎功超百王慶流萬代亦何必守臣下之小節蔑皇王之天猷固阻羣情務成謙德伏願以遺詔爲念奪在疚之懷就臨軒之制天下幸甚

第三表

伏以萬機至重遺旨難違再獻表章上塵旒宸精誠徒竭天意未迴內外遑遑人神企望中謝臣聞王者之孝異於匹夫禮不相沿道資適變當承平之代故殷帝宅憂而不言遇有事之時則周王未葬而誓衆况今戎車猶駕邊候多虞兩河之寇盜難除百姓之瘡痍未合亂者思理危者求安天下嗷嗷正在今日誠宜抑其至性以副羣心成先帝之大功繼中興之盛業豈可寢苫啜泣庶政闕然

九廟之靈何報、萬方之望何塞、臣等有死而已、不敢奉詔、

為王京兆皇帝卽位禮畢賀表

臣聞大人繼明百神所以受職、天子有道萬國由是承風、中賀伏以皇帝陛下纘聖垂休、順時御極、負辰而外朝夷夏、踐祚而統和天人、幽明感通、遐邇昭泰、遂使祥光下燭、嘉氣旁通、周王謝流火之符、魯史愧書雲之典、食毛含齒、歡抃無窮、臣某等幸覩昌時、獲奉大慶、踴躍之至、倍萬恒情、

禮部賀冊太上皇后表

母儀有光、坤道克順、陰教方行於萬國、內理克和於六宮、中賀伏惟皇帝陛下對若天休、奉揚睿旨、長秋旣登其正位、禴狄亦被於恩光、奉養見三朝之安、周旋有四星之輔、豈獨配乾稱大助、日為明所以表王化之源、知孝悌之本、冠映千古儀刑四方、臣某等捧戴施行、踴躍無地、

禮部賀太上皇后冊畢賀表

伏以太上皇后著虞嬪之至德、嗣周母之徽音、表

率六宮明彰萬國中賀陛下克修理本以暢化源

神道知事地之方人倫識尊親之大豈惟婦順期

備陰禮用修足以播正始於王風致時雍於帝典

臣某等謬塵榮位獲覩盛儀踴躍之誠倍百恒品

御史臺賀嘉禾表

伏以嘉穀順成靈貺昭格天人合應遐邇同風中

賀伏惟皇帝陛下睿謀廣運神化旁行植物知仁

祥圖應聖靈岳不愆於贊祐燕谷用遂於生成豐

稔既均知朔南之被澤休嘉克協見天地之同和

六穗慙稱於漢臣異畝耻書於周典自中形外均

慶同歡臣某謬職憲司獲覩休瑞無任抃躍之至

禮部賀嘉禾及芝草表

珍圖煥開瑞彩交映遐邇偕至福應攸同中賀伏

惟皇帝陛下緝熙至道保合太和天惟發祥地不

愛寶嘉禾擢質靈草抽英獻于王庭唐叔慙同穎

之異薦諸郊廟班史謝連葉之奇既呈蕤蕤之祥

更覩煌煌之秀豐年斯著聖壽用彰飲和之人權

抃無極臣某等優游至化披翫殊姿慶抃之誠倍

百恒品

京兆府賀嘉瓜白兔連理棠樹等表

惟天眷命是降百祥惟聖欽承用膺多福中賀伏

以大和所蒸至德斯應圖物獻瑞周於遠方神瓜

合形式表絲絲之慶異棠連質用彰燁燁之榮况

金風發祥白兔來擾告有秋之嘉應著成歲於神

功雜選紛綸如山斯委人盡登於壽域物咸暢於

薰風况臣特感深恩欣逢衆瑞踴躍之至倍萬恒

情

禮部賀甘露表

玄化昇聞靈貺昭答必呈尤異之應以告天地之

和中賀伏惟皇帝均煦育之功敷滂澍之澤太和

潛達闕瑞克彰發於天霄特降宮樹朝光初燭方

湛湛而不晞畏景轉炎更灑灑而未已綴葉而珠

璣積耀盈器而冰玉呈姿芳襲椒蘭味兼飴醴然

則零其庭而著異紀於年以標竒徒矜往辰孰並

茲日况樹有丁香之珍殿卽延和之號所以著芳

風之遠播期聖壽於無疆事絕古今慶傳遐邇臣

謬承渥澤、獲覩殊祥、抃躍之誠、倍萬恒品、

禮部賀白龍并青蓮花合懽蓮子黃瓜等表

二氣交泰、萬國同和、動植思協、於殊祥遐邇、畢呈其嘉應、披圖按牒、聖理彰明、中賀伏以天道非遠、

睿感必通、疊瑞重祥、累集宮禁、池蓮表異、靈化非常、敷彼青光、徵佛書而尤絕、成其嘉實、驗祥經而甚稀、積慶旁流、自中徂外、遂使龍騰白質、乘秋果應於金行、瓜合黃中、表聖更彰於土德、遠通邊徼、近出苑園、合慶同歡、周於億兆、况復邦畿之內、雨

霽必時、宿麥大穰、嘉穀滋茂、和風孕秀、靈氣陶蒸、是皆發自帝心、達於天意、周流升降、成此歲功、惠被羣生、自為嘉瑞、臣某深惟多幸、獲遇斯時、觀靈貺之備臻、知神人之溥洽、

禮部賀嘉瓜表

寶祚惟新、嘉瑞來應、式彰聖德、更表天心、中賀伏

惟皇帝陛下、保合太和、緝熙庶類、德馨上達、神化旁行、嘉瓜發祥、來自侯服、質惟同蒂、見車書之永均、地則移風、知化育之方始、雖七月而食、函土歌

王業之難、五色稱珍、東陵詠嘉賓之會、未聞感通、若斯昭著者也、臣某等遭逢聖運、親仰珍圖、抃躍之誠、倍百恒品、

爲王京兆賀嘉蓮表

祥圖煥開、異彩交映、贊天地之合德、表神人之同、中賀、伏惟皇帝陛下、道協重華、慶傳種德、陶陰陽之粹美、孕造化之精英、吉慶每見於天心、發祥必自於禁掖、是使雙華擢秀、連蒂垂芳、香激大王之風、影耀天泉之水、煥開宮沼、旁映給園、靈貺應

期、天龍護聖、寶曆屢迨於小劫、神功永洽於大千、臣某獲覩昇平、濫居榮寵、聞瑞應而稱慶、仰績事而增歡、

爲王京兆賀雨表

天且不違、神必有據、密雲與綸言繼發、時雨將天澤並流、中賀、伏惟皇帝陛下、憂切蒸黎、慮深稼穡、思彼未兆、防於無形、滲漉每出於湛恩、變化亦隨於廣運、宸衷暫惕、已矯御天之龍、聖謨旣宣、遂洽漏泉之澤、霑霽周布、霏微四施、黍稷盡成、公私皆

及野夫鼓舞知帝力之玄通官吏歡呼見天心之
默喻臣某牧人京邑動仰皇靈渥澤徒加涓滴無
助

第三表

伏惟皇帝陛下言爲神化動合天心未成旱暵之
虞已積憂勤之慮衆靈受職蒼蔚且躋於南山百
穀仰榮滂霈遂沾於東作睿謨朝降膏澤夕周知
天人之已交識陰陽之不測然則周王徒勤於方
社殷帝虛美於桑林豈若無災而早圖未禱而先

應化超前聖道貫重玄徧野同歡傾都相慶

第四表

臣聞惟聖有作先天不違發令而祥風已興致誠

而玄液旋被

中賀

伏惟皇帝陛下側身防患道邁

周王盡力勤人功超夏后聖謨廣運驅百靈以從
風神化旁行滋五稼而流澤油雲四合膏雨溥周
農壤遂一於肥磽滌瀦盡霑於遐邇蒸黎詠德知
必自於聖心草木欣榮如有感於皇化有年之慶
實在於斯臣以無能謬領京邑上勞宸慮運此歲

功、

賀親自祈雨有應表

伏、以、時、或、憊、陽、歲、之、常、候、式、當、聖、日、無、害、豐、年、中

賀、陛、下、敦、本、務、農、憂、人、閔、雨、宸、慮、所、至、天、心、自、通、

故、得、瑞、鳥、迎、舟、掩、商、羊、之、舞、仙、雲、覆、水、協、從、龍、之、

徵、初、泛、洒、於、上、宮、遂、滂、霈、於、率、土、自、中、徂、外、皆、荷、

生、成、雨、公、及、私、靡、不、顧、茂、殷、后、徒、勤、於、自、翦、周、公、

空、媿、於、舞、雩、臣、以、庸、虛、謬、司、恒、翰、有、年、之、慶、惟、聖、

之、功、

為裴中丞賀克東平赦表

臣、聞、肅、殺、之、後、每、致、陽、和、雷、霆、既、施、必、聞、膏、澤、中

賀、伏、惟、陛、下、體、乾、剛、以、運、行、協、坤、元、之、翕、闢、百、靈、

受、職、六、合、從、風、阻、兵、怙、亂、者、必、就、梟、擒、懷、忠、抱、義、

者、無、不、甄、錄、激、其、效、順、特、加、旄、節、之、榮、寵、以、元、功、

遂、兼、鼎、鉉、之、任、戎、行、窮、賞、賚、之、重、歿、事、極、褒、卹、之、

優、劫、脅、之、役、盡、除、聚、斂、之、名、皆、去、傷、痍、受、煦、老、疾、

加、恩、豐、財、已、復、其、征、徭、賜、種、更、盈、於、種、稔、嚴、山、川、

之、祀、神、必、有、依、申、義、烈、之、家、物、無、不、感、周、王、推、忠、

厚之化、漢帝慙愷悌之風、太平之德、斯爲至盛、然則虞巡可復、告成將慶、於岱宗漢典、方行講禮、再榮於闕里、臣謬膺重寄、獲覩太和、抃蹈之誠、倍萬恒品、謹已施行郡邑、宣示軍戎、莫不動地歡呼、若醉千鍾之酒、騰天鼓舞、如聞九奏之音、

柳州賀破東平表

帝德廣運、唐命惟新、霾曠廓清、天地貞觀、率土臣庶、慶抃無涯、中賀伏惟睿文聖武、皇帝陛下、威使百神、德消六沴、天降寶運、時歸太平、自克夏擒吳、

翦蜀平蔡、殊類稽顙、羣疑革心、唯此兇妖、尚聞悖慢、庭議旣得、廟謨必臧、旌旗燭耀於洪河、金鼓震驚於靈嶽、鄆城自潰、寧同莒魯之爭、齊地悉平、無俟耿陳之戰、五兵永戢、七德無虧、含生比堯舜之仁、率土陋成康之俗、介丘霧息、已望翠華之來、沂水風生、更起舞雩之詠、千歲之統、實在於斯、臣守在蠻荒、獲承大慶、抃蹈之至、倍萬恒情、

代裴中丞賀分淄青爲三道節度表

蚺豕之穴、忽爲樂郊、氛沴之餘、盡成和氣、中賀伏

惟皇帝陛下天付昌期、神開寶曆、復昇平之土宇、
拔妖孽之根源、自西自東、不違於指顧、我疆我理、
咸得其區分、山川備臨制之形、道途適征徃之便、
俾侯旣定、賜履以寧、異青兗之封、爰從古制、解曹
衛之地、實契雅謀、車甲永藏、馬牛勿用、俗被雍熙
之化、代知仁壽之期、農事載盛、於耨芟、儒風重興、
於俎豆、足使季札觀魯、更陳南籥之儀、山甫徂齊、
復正東方之賦、臣摠戎遠地、不獲陪賀闕庭、

爲韋侍郎賀布衣竇羣除右拾遺表

臣聞直道之行、四方嚮德、逸人是舉、天下歸心、中

賀臣伏以竇羣肥遯居貞、苞蒙養正、學術精果、操
行堅明、讚詠道真、以求其志、臣頃守藩服、特所委
知、及歸朝廷、輒有聞薦、庶逃竊位之責、以塞曠官
之尤、豈謂天聽曲從、瞽言無廢、况諫諍之職、政化
是參、擢於布衣、久無其比、周行慶抃、林藪震驚、晦
迹寧慮於遺賢、懷才盡思於展效、臣以性本庸疎、
動無裨益、唯思進拔、以報恩榮、區區懇誠、實貫金
石、言而不廢、微臣敢竊於薦雄德、必有鄰聖代式、

光於尊隗、自羣受命、冀復面陳、迫以疾病、接於休
假、注心蓄念、寤寐兢惶、

爲樊左丞讓官表

寵命俯臨、慙顏自失、泛大鯨之海、但覺魂搖、戴巨
鼈之山、未如恩重、中謝臣聞尚書百揆、翊亮萬機、
故天上尊北斗中樞、陛下有南宮左轄、晉昇孔坦、
諒直當時、漢拜楊喬、閑練故事、庶得百僚有憚於
會府、諸侯取法於京師、臣實謏才、謬登清貫、握蘭
起草、昔紊朝經、剖竹頒條、近貽人瘼、備歷中外、無

聞聲彩、版圖再緝、貢賦未均於九州、銅印更操、威
儀不檢於三署、次郎補闕、豈易其人、聖主求才、宜
難此受、竊謂旁求俊乂、側訪瓌竒、必使德合準繩、
言成綱紀、興化致理、時無間言、况安上必在於薦
賢、危身莫踰於曠職、儻蒙垂收、紫渙俯矜、丹誠愚
臣、保陳力之言、聖鑒有責成之地、

代裴中丞謝討黃少卿賊表

臣聞膚革旣平、雖疥癬而必去、豺狼已斃、在狐鼠
而宜除、臣某 中謝 伏惟元和聖文、神武法天、應道

皇帝陛下受命上玄、底寧下土、兇渠盡殄、威武載揚、蠹爾腥膻、尚聞凌暴、靈旗斜指、銅獸俯臨、三軍知必勝之方、萬姓喜永清之路、微臣忝司戎律、親列顏行、躡伏波之舊規、乘下瀨之故事、盡瘁事國、期畢命於戈矛、不宿於家、思奮身於原野、卽以今日某時出師就道、便披榛蹶石、摩壘陷堅、蕩清海隅、永息邊徼、竊以材非充國、敢自贄於無踰、志慕孟公、庶追蹤於不代、謬承重委、寤寐兢惶、

爲崔中丞請朝覲表

臣歷刺三州、連摠二府、外任逾紀、入覲無階、就日望雲、魂飛心注、中謝伏惟睿聖文武皇帝陛下覆

載無私、邇遐同致、復昇平之故事、繼前聖之高蹤、中外踐更、出入迭用、臣以虛薄、叨受恩榮、徒竭夙夜之心、未申朝夕之敬、天威咫尺、誠寤寐而無違、雲漢昭回、固瞻仰而何及、是以前在朗寧、封章累上、及移臨桂、星紀屢周、微衷尚隔於戴盆、積望徒懸於窺管、葵藿之誠、彌切大馬之戀、逾深人欲天從、於茲未驗、下情上達、終冀不誣、敢黷宸嚴、罄陳

丹懇伏乞賜臣除替許至闕庭廁蹈舞於羣僚備班行於散地足趨中禁日覩大明俾成九族之榮以盡百生之幸非敢竊國賓五獻之禮希康侯三接之恩一覲龍顏萬死爲足

爲劉同州謝上表

臣初奉綸言震抃無極及臨所部驚懼逾深投軀莫報於乾坤陳力無裨於造化

中謝

臣出自諸生

不習爲吏有恇懦之質無區處之能託跡儒門乏仲弓南面之德委身郎署闕馮唐論將之對嘗懼

叨冒清列蕪穢聖朝豈意天德忽臨鴻恩薦及八命作牧一麾出守拔自下位寄之雄藩非臣庸瑣所宜膺據况馮翊密邇王都古稱三輔爰自近代命秩逾崇有兵食之虞有宮室之制皆公卿將相出入由之仰徵甲令俯窺圖記跼蹐無地以兢以惶恩重命輕不知所效庶當刻精運力夙夜祇勤上奉雍熙旁流愷悌以日繫月儻或有成庶幾之心懍懍增惕徒望雲而就日喜近帝鄉將擊壤以成風共歌堯代天威咫尺敢布丹誠

代裴行立謝移鎮表

星言卽駕、便道之藩、祇荷寵榮、不敢寧息。中謝臣
某爰自弱齡、卽忝推擇、階緣試吏、累忝清資、先聖
以臣粗知兵要、俾統師徒、交蠻俶擾、黃賊不馴、奉
詔俾臣、撲滅氛祲、士衆賈勇、思酬渥恩、冀因此時、
得立微效、豈謂時多疫癘、不副憂勤、知臣特深、復
洗瑕責、夙夜感戴、捐軀有期、徒增慣勇、力未從願、
微臣不幸、釁故重重、泣血摧肝、載崩載咽、陛下龍
輿御極、寰海永清、道暢八埏、威加九域、鴻和普洽、

靡不周泰、伏蒙累垂休命、遂越等夷、循省何人、過
膺抽擢、况臣比臨此鎮、備更夷險、故材舊壤、宛在
目前、雖則殊鄉、還同衣錦、量巨鼇之力、未足負恩、
猶蚊蚋之微、焉能報德、將何以宣揚聖造、撫慰疲
羸、唯當遵守詔條、貶棄奸慝、平勻徭賦、示以義方、
持清靜以臨人、守無私以奉國、重修前志、再礪戈
矛、展駑駘之效、申鷹犬之用、庶荒陬夷獠、盡沐皇
風、率土生靈、備聞斯慶、微臣之志也。

代韋永州謝上表

受命若驚臨職彌懼

中謝

臣以無能累更事任神

州赤縣實所備嘗過量逾涯每深兢惕不謂聖恩
推擇濫駕朱輪祿秩徒增詎施乳哺之惠服命虛
受寧興襦袴之謠况此州地極三湘俗叅百越左
衽居椎髻之半可墾乃石田之餘曠牧守於再秋
彌驕獷俗代征賦於三郡重困疲人分災本出於
一時積弊遂逾於十稔撫安未易知法出而姦生
子育誠難懼力勞而功寡夙夜憂切不敢違寧庶
當宣布天慈奉揚神化以日繫月儻或有成少禪

愷悌之風用答生成之造

柳州謝上表

伏惟陛下光被之德道以洽於區中憂濟之勤心
每徧於天下常以萬邦共理必藉於循良一物不
遺尚延於愚藐假臣寵渥重領方州駑駘復效於
奔馳枯朽更同於華秀

中謝

臣聞潢污易竭抑有

朝宗之願犬馬無識猶知戀主之誠揣分則然惟
天知鑒况臣昔因左官一紀于外子牟馳心於魏
闕汲黯積思於漢庭豈非夫人獨無斯戀去就者

榮辱之主、朝廷者仕進之源、臣子之宜、忠貞所志、
臣雖心同犬馬、而分比潢汚、幸躡康衢、意非往蹇、
臣之此誠、口不能諭、意欲悉達、文非盡言、此臣所
以自咎、自恨、復乖志願、猶冀苦心勵節、上奉詔條、
惠寡卹貧、下除人瘼、恭宣皇化、少答鴻私、不勝慌
欣之至、

奏薦從事表

某績茂戎軒、才優管記、操刀必割、豈謝剗犀、落筆
不休、寧慙倚馬、况早登科、選風洽時、譚匪惟詞、藝

雙美、抑亦器能多適、比於流輩、頗爲滯淹、輒敢薦
陳、伏希獎錄、

爲武中丞謝賜櫻桃表

天睠特深、時珍薦降、寵驚里巷、思溢圓方、
中謝伏

以含桃之羞、時令攸貴、况今採因御苑、分自天厨、
使發九霄、集繁星而積耀、味調六氣、承湛露而不
晞、盈皆而外、被恩光適口、而中含渥澤、顧慙素食、
彌切自公、豈圖君子所先、遂厭小人之腹、
爲南承嗣、請從軍狀、

右臣亡父至德之歲，歿節睢陽。陛下每降鴻恩，必加褒寵。臣自七歲，卽忝班榮。垂五十年，常居祿秩。再守遐郡，績用無成。終貽官謗，甘就嚴譴。無以負荷先志，報效殊私。以慙以懼，隕越無地。伏見某月日，敕以王承宗負恩于紀，命將徂征。雷霆所加，殄滅在近。臣竊不自揆，思竭忠誠，願預一卒之任，以答再生之幸。庶得摧鋒觸刃，摩壘搴旗。冀獲盡於微誠，儻不墜於遺烈。踴躍之至，夙夜不寧。敢希皇明俯鑒，丹懇臣聞。周官攷藝，國子置車甲之司。漢

道推恩，孤兒備羽林之用。千秋思奮於事，越中孺期死於奔吳。義激君親，名高竹帛。臣雖無似，有慕昔人。雖身塗草野，死而不朽。披肝瀝血，昧死上陳。

代人進竈器狀

藝精埏埴，制合規模。稟至德之陶蒸，自無苦窳。合太和以融結，克保堅貞。且無瓦釜之鳴，是稱土錮之德。器慙瑚璉，貢異斝丹。旣尚質而爲先，亦當無而有用。

柳州上本府狀

伏以中丞慈惠化人孝悌成俗屬吏所見皆許申明至公之下敢竭愚慮竊以莫誠越急而動事出一時解難爲心豈思他物救兄有急難之戚中臂非必死之瘡不幸致殂揣非本意按文固當恭守撫事亦可哀矜斷手方迫於深衷周身不遑於遠慮律宜無赦使司明至當之心情或未安守吏切惟輕之願况俟期尚遠稟命不遙伏乞俯賜興哀特從屈法幸全微命以慰遠黎則必闔境荷慈育之恩豈惟一夫受生成之賜儻以律文難變使牒

已行則伏望此狀便令廢格輕賜塵黷惶戰交深
爲裴中丞伐黃賊轉牒

竊以天啟昌期大功畢集神開興運微惡盡除黃少卿等歷稔逋誅舉宗肆暴恃狡兔之穴踰伏偷安憑孽狐之丘跳踉見怪以爲威弧不射天網可逃侵逼使臣隳犯王畧恣其毒虐速我誅鋤敵國盡在于舟中還師已期於席上謂宜投戈頓顙面縛乞身歸郡邑於王官效黎獻於天吏而乃繕兵補卒增壘閉途正當天討之辰更積鬼誅之罪衆

輕鬪。蟻勇劣。怒蛙。纖縞。當強弩之初。孤豚。儂肥牛。之下。事同拾芥。力易摧枯。杪忽蜂腰。虛見辱於齊。斧突梯首鼠。濫欲寄於旄頭。勦絕有時。不索何獲。某拱稽致命。執銳忘生。車甲旣備。於小戎鯨鯢。豈逃於誅戮。竊觀上畧。總制中權。戰士義激於身心。列校勢成於臂指。蹶張之技。盡出於山林。拔距之材。徧徵於川洞。賞懸香餌。令布疾雷。莫不鼓舞戎行。虔恭師律。投軀不憊於羽檄。跂足惟俟於牙璋。今月某日。奏事官米蘭迴捧受詔。命神飛首勇足。

蹈心馳。懽聲洽於萬夫。勝氣橫於千里。國容不入。屢且及於寢門。家事勿聞。土已填於左闔。卽以月日。全軍出次。分道並進。所期戮力。敢告同心。孔大夫貞直冠時。清明格物。全體許國。一心在公。兵精食浮。爲日固久。容府楊中丞以義烈爲已任。勲襲太常。安南李中丞以英武爲家風。業傳彝器。並膺邦寄。克達皇威。南則浮海濟師。共集堂堂之陣。東則橫江誓衆。用成善善之功。以此鼓行坐觀。盡敵刑。惟勿喜誅。有可哀徵。側之勇冠一方。竟就伏波。

之、戮、呂、嘉、之、威、行、五、嶺、終、摧、下、瀨、之、師、嗟、此、陋、微、
自、貽、擒、滅、勉、成、良、畫、速、致、殊、勲、雖、荒、徼、之、地、固、不、
勞、於、有、征、而、昇、平、之、年、將、自、此、而、何、事、書、之、竹、帛、
實、謂、揚、名、事、須、移、牒、隣、管、以、成、犄、角、舉、牒、者、

賀誅淄青逆賊李師道狀

伏、以、天、啟、聖、期、神、資、良、弼、必、有、懲、討、以、致、昇、平、蠢、
爾、兇、渠、敢、行、悖、亂、締、交、於、雷、霆、之、下、效、逆、於、化、育、
之、辰、逞、豺、聲、以、欺、天、恣、狼、心、而、犯、上、嘉、謨、克、協、威、
命、旁、行、破、竹、寧、比、其、發、機、走、丸、未、喻、於、乘、勝、濁、河、

清、濟、曾、無、溝、洫、之、虞、大、峴、琅、邪、不、聞、崖、岸、之、阻、天、
兵、四、合、賊、衆、屢、摧、然、後、赦、劫、脅、之、辜、許、其、歸、復、寬、
註、誤、之、典、期、以、撫、循、外、怛、皇、威、中、感、聖、德、雖、在、梟、
鏡、豈、不、知、歸、是、以、未、極、誅、鋤、遽、聞、內、潰、鯨、鯢、已、戮、
見、東、海、之、無、波、氛、沴、盡、消、仰、太、陽、之、普、照、功、格、于、
天、地、化、合、於、陰、陽、一、德、方、繼、於、商、書、降、神、自、同、於、
周、雅、遂、使、垂、白、遺、老、再、逢、天、寶、之、安、搢、紳、諸、生、遠、
期、貞、觀、之、理、某、特、承、朝、獎、謬、列、藩、臣、常、以、突、刃、觸、
鋒、未、爲、效、節、膏、原、潤、草、豈、足、酬、恩、寤、寐、撫、心、不、遑、

寧處今則削平之際、慙無尺寸之功、開泰方初、徒受丘山之寵、

賀平淄青後肆赦狀

伏以周滅三監、俱明誅放之罰、漢平七國、更嚴斬殺之科、未有翦覆兇渠、撫存疑類、威暫行而德洽、誅纔及而恩加、操兵者悉獲歸休、秉耒者更聞優復、與之種食、分以貨財、疾苦盡除、鰥孤咸育、瘞戰死之骨、增以賞延、憐刃傷之肌、存其廩給、滌山川之舊污、申節義之餘寬、功多受三事之榮、節著有

十連之寵、較然逆順、益以彰明、和氣遠周、罷七旬之干羽、仁風溥暢、收六月之車徒、寰海永康、夷夏均慶、某忝司戎旅、獲奉昇平、當伊尹無耻之辰、見咎繇惟輕之德、抃躍之至、倍萬恒情、

賀分淄青諸州爲三道節度狀

害氣盡除、和風溥暢、裂壤旣分、其形勝經野必正、其提封河濟異宜、海岱殊服、八命作牧、無聞威福之源、十國爲連、已肅澄清之政、鼠無夜動、鴉變好音、惠澤豈俟於崇朝、仁化寧期於必代、遂使琅邪

卽墨田生無慮其異謀聊攝姑尤晏子但聞其善
祝恭以相公暮叅禹績制出蕭規光輔聖神永康
黎獻某獲逢開泰忝守方隅抃躍之誠倍百恒品
爲裴中丞上裴相賀破東平狀

竊以自古中興之主必有命代之臣一德同功以
叶休運故申甫方邵成宣王復古之勲吳鄧寇耿
致光武配天之業此皆上下齊志中外悉心雖成
功則多而陳力甚易豈若閣下挺拔英氣邁越常
流獨契聖謨以昌鴻業廟畧初定異議紛然詆訕

盈朝萋斐成市閣下秉心不惑定命彌堅討淮右
之兇則下車而授首服恒陽之虜則馳使而革心
况師道惡稔禍盈鬼怨神怒恣行悖慢敢肆欺誣
天兵四臨所至皆捷次又捨其將校許以歸還罪
止一夫恩加百姓豺狼感化梟鏡懷仁自致誅夷
以成開泰萬方有慶四海無虞遂令率土之人盡
識太平之理盛德大業振古莫儔然則布政明堂
勒功東嶽光垂後祀輝映前王神化永屬於聖君
崇勲實歸於宗袞慶賀之至倍萬恒情

爲桂州崔中丞上中書門下乞朝覲狀
右某幸遇文明叨承委寄理戎典郡十有四年瞻
戀闕庭神覓飛越頃在邕州累陳誠懇謬尸進律
之寵未遂執珪之願相公膺賢輔聖大叙倫彛中
外之臣出入更踐某自領桂管又逾再周企鸞鷺
於紫霄獨無羽翼仰星辰於黃道徒竭丹誠况正
月會朝遠夷皆至六歲來見要服有期豈使班超
之望長懸子牟之戀空積伏乞特申微願錄受冗
貞微故事而不遺揆夙志而斯畢入天子之國願

附禮於小侯拜丞相之車敢希榮於下客

爲南承嗣上中書門下乞兩河效用狀

伏以越敗夫差多會稽納官之子趙摧粟腹卽長
平。死。事。之。孤。何。者。義。烈。之。餘。色。氣。猛。厲。上。將。效。於
國。用。下。欲。濟。其。家。聲。所。以。憤。激。悽。愴。常。思。致。命。者
也。某先父死難睢陽事存簡冊累降優詔榮及子
孫爰自繼綵超昇品秩肉食廩給未嘗暫停頃守
涪州屬西蜀邁逆將至死命以盡夙心寢戈嘗膽
志願未究會刀筆之吏寘以深文首級之差今復

誰辯、薏苡之謗、不能自明、猶賴舊勲、謫居樂土、食
人力之粟、守無事之官、拳拳血誠、無所陳露、伏見
明制興師討伐、恒冀蔑爾小醜、尚欲逋誅、某材非
古人志慕前列、願得身當一隊、效死戎行、竭平生
之忠懇、申幽明之冤痛、撫劒心往、發言涕零、嘗聞
漢法有奮擊匈奴者、諸侯不得擁遏、又况丞相摠
軍國之重、定廊廟之謀、固當弘獎、無所棄捐、伏乞
哀憫收撫、以成其心、

宋歐陽永叔表啟

乞罷政事表三首

亳州謝上表

亳州乞致仕表五首

青州謝上表

謝南郊加食邑五百戶表

謝賜漢書表

蔡州乞致仕表二首

謝致仕表

謝免明堂陪位表

上胥學士啟

謝胥學士啟

謝國學解元啟

謝進士及第啟

代王狀元謝及第啟

上隨州錢相公啟

謝校勘啟

夷陵上運使啟

謝朱推官啟

回王舍人啟

與晏相公啟

亳州到任謝兩府書

賀韓相公罷相轉司徒兩鎮節度判相州書

回諫院吳舍人書

謝判大名府韓侍中惠書啟

回宮教丘寺丞書

賀王相公拜相書

段正公表

同官錄直書

論供人等

同官錄直書

論供人等

同官錄直書

陶石簣先生批選唐宋六家表啟

宋廬陵歐修永叔

乞罷政事第一表

臣聞事君之節雖盡瘁以為期量力而行有不能而則止敢黷蓋高之聽瀝陳至悃之誠中謝伏念

臣本出羈單粗知業履逢右文崇學之代竊並羣英之遊當好問納諫之朝獲從諸老之後遂蒙獎用叨貳機衡幸四海之無虞得容尸素荷三聖之殊遇特察孤忠坐貪寵祿之榮不覺歲時之久而

永叔全

餘齡嚮晚、百疾交侵、四體癯羸、甚已衰之蒲柳、雙
瞳、眊眊、幾不辨於駟驪、頃自去秋、累陳愚款、先皇
帝惻然垂閔、慰以恩言、許至新年、俾解重任、萬乘
之仙遊、忽遠、孤臣之素願、莫從、方今聖統嗣興、皇
明繼照、人神胥悅、中外晏安、顧無避事之嫌、敢遂
乞身之請、伏望皇帝陛下、特回睿眷、俯察懦衷、念
孤根之易危、哀小器之難用、置之閑處、賜以保全、
如此則天地之仁、曲從於物性、犬馬之報、尚識於
主恩、

第二表

臣聞高而必危、蓋處易傾之勢、蒲則招損、實存至
戒之言、敢再瀝於懇私、輒自干於斧鉞、中謝伏念

臣本以庸妄、出於遭逢、誤被國恩、俾參政論、材非
適用、而當重任之難、智不周身、而履危機之地、旣
不能於阿狗、故多積於怨仇、謗怒之興、紛紜靡一、
所恃者聖君在上、公道方行、雖構造中傷、人言可
畏、而聰明聽察、天鑒孔昭、旣悉辨於罔誣、遂判分
於枉直、俾臣不陷大惡、得爲完人、今亂國之讒、已

蒙於遠屏立朝之士皆保於自安則臣仰銜再造之鴻慈正合捐軀而自效然念臣病羸之質年迫已衰寵祿之盈理難久處頃事先帝之日屢貢乞骸之言間奉德音亦蒙恩許一麾之請素志甚勤伏望皇帝陛下推天地之人回日月之照閱其孤拙曲賜矜從予之一州俾自退處亦有民社可宣教條苟知盡瘁之方未失事君之節

第三表

臣聞士之行已所慎者始終之不渝臣之事君所

難者進退而合理苟無大過善退其身昔之爲臣全此者少臣頃侍先帝屢陳斯言今之懇誠蓋迫於此

中謝

伏念臣識不足以通今古材不足以語

經綸幸逢盛際之休明早自諸生而拔擢方其與儒學文章之選居言語侍從之流每蒙過獎於羣公常媿虛名之浮實暨晚叨於重任益可謂於得時何嘗敢傷一士之賢豈不樂得天下之譽而動皆臣忌毀必臣歸人之愛憎不應遽異臣之本末亦豈頓殊蓋以處非所宜用過其量惟是要權之

地不勝指目之多。周防所以履危。而簡踈自任。委曲所以從衆。而拙直難移。宜其舉足則蹈禍之機。以身爲歛怨之府。復盤桓而不去。遂謗議以交興。讒說震驚。輿情共憤。皇明洞照。聖斷不疑。孤臣獲雪於至寃。四海共忻於新政。至於賴天地保全之力。脫風波險陷之危。使臣散髮林丘。幅巾衡巷。以此沒地。猶爲幸民。况乎擁蓋垂檐。其榮可喜。撫民求瘼。所寄非輕。苟可效於勤勞。亦寧分於內外。伏望皇帝陛下。曲回天造。俯察愚衷。許解劇繁。處之閑僻。物還其分。庶獲遂於安全。心匪無知。豈敢忘於報效。

亳州謝上表

貳政非才。雖獲奉身而退。分符善地。猶懷竊祿之慙。祇荷寵靈。惟知戰懼。中謝伏念臣章句腐儒之學也。豈足經邦。斗筭小器之量也。寧堪大用。而叨塵二府。首尾八年。荷三朝之誤。知罄一心。而盡瘁。若乃樞機宜慎。而見事輒言。陷穽當前。而橫身不避。竊尋前載。未有能全。一昨怨出。仇家構爲死。

禍造謗于下者初若含沙之射影但期陰以中人
宣言于廷者遂肆鳴梟之惡音孰不聞而掩耳賴
聖神之在上廓日月之至明悉究罔誣遂投讒賊
再念臣性實甚愚而踈於接物事多輕信而蓋以
至誠如彼匪人失於泛愛平居握手惟期道義之
交延譽當朝常丐齒牙之論而未乾薦禰之墨已
彎射羿之弓知士其難世必以臣爲戒常情共惡
人將不食其餘而臣與遊旣昧於擇賢在滿不思
於將覆自貽禍釁幾至顛隕上煩睿聖之保全得
完名節於終始洎懇辭於重任尤深惻於皇慈雖
避寵辭隆僅能去位而清資顯秩愈更叨榮莫逃
僥倖之譏實負心顏之覲斯蓋伏遇皇帝陛下乾
坤大度堯舜至仁察身自取於怨仇本由孤直憫
臣力難於勉強蓋迫衰殘旣獲免於非辜仍曲從
於私欲遂同萬物俾無失所之嗟未盡餘生敢忘
必報之效

亳州乞致仕第一表

臣聞難進易退者禮經之格言知足不辱者道家

之明戒、苟貪榮而不止、宜招損以自貽、况災疾之
所纏、顧筋力之難強、輒披烟幅、自冒誅夷、中謝伏
念臣生也多屯、少雖有志、而識不明於大體、用不
適於當時、徒以荷三朝之誤、知屬四方之無事、遂
容章句之學、竊與機政之司、逮更二府之繁、蓋亦
八年之久、既不能遇事發憤、慨然有所建明、又不
能與世浮沉、默爾以爲阿狗、每多言而取怨、積衆
怒以爭當、繼逢時事之方艱、思欲乞身而未獲、不
虞暗禍、陷臣於風波、必死之淵、上賴至仁、脫臣於

鮫鱔、垂涎之口、以至平生所守之名節、晚暮未盡
之年齡、豈臣能於自全、皆陛下之所賜、既懇辭於
重任、仍假守於善邦、固已坦無危疑、幸此優逸、而
風霜所迫、髮鬢凋殘、憂患已多、精神耗盡、加之肺
肝渴涸、眼目眊昏、去秋以來、所苦增劇、兩脛惟骨、
拜履俱艱、雙瞳雖存、黑白纔辨、顧形骸之若此、尸
寵祿以何安、伏望皇帝陛下、特軫睿慈、俯從人欲、
許還官政、俾返田廬、白首明時、幸遘垂衣之治、酣
歌聖化、頌追擊壤之民、雖居猷畝之間、永荷乾坤

之造

第二表

臣聞神功不宰而萬物得以曲成者、惟各從其欲、天鑒孔昭而一言可以感動者、在能致其誠、敢傾虔至之心、再瀆高明之聽、中謝伏念臣本以一介之賤、叨塵二府之聯、知直道以事君、每師心而自信、然而既乏捐軀之效、又無先覺之明、用之已過、其分而曾不自量、毀者不堪其辱、而莫知引去、幸賴乾坤之再造、得逃陷穽之危機、仍許避於要權、

俾退安於晚節、今乃苦於衰病、莫自支持、顧難冒於寵榮、始欲收於骸骨、敢期聖念過軫、天慈謂雖迫於桑榆、未忍弃於草莽、竊以古今之制、泐襲不同、蓋由兩漢而來、雖處三公之貴、每上還於印綬、多自駕於車轅、朝去朝廷、暮歸田里、一辭高爵、遂列編民、豈如至治之朝、深篤愛賢之意、每示隆恩之典、以勸知止之人、故雖有還政之名、而仍享終身之祿、固已不類昔時之士、無殊居位之榮、然則在臣素心、雖切退休之志、迹臣所乞、尚虞僥倖之

譏伏望皇帝陛下側以深仁矜其至懇俾解方州之任遂歸環堵之居固將優游垂盡之年涵泳大平之樂惟辛勤白首迄無一善之稱孤負明時莫報三朝之德此爲慙恨何可勝陳

第三表

竊稽典禮退止一辭上黷睿慈臣今三請雖未忍弃捐之意曲煩再諭以丁寧而不勝迫切之誠尚冀終蒙於開可中謝伏念臣稟生至陋力學不強徒以畧誦仁義之言粗知廉耻之節早緣一藝擢

自諸生智非先見之明材無適用之敏但知報國不敢謀身惟枉尋直尺之不爲故圓鑿方柄而難合以至被侵凌於羣小遭詆毀之百端而臣忍辱強顏踰時歷歲盖思責任之方重顧於去就而難輕今者幸蒙寬恩獲保孤拙脫於死地優以便藩旣無效於勤勞徒坐尸於寵祿加以艱危備歷憂患已多老將疾以偕來形與神而俱瘁昔而少健黔驢之伎已殫今也病衰駑馬之疲難強始露肺肝之懇乞收骸骨而歸迹臣前後之心可見遲徊

之、久、不、敢、爲、於、妄、舉、蓋、幸、冀、於、必、從、伏、望、皇、帝、陛、
下、推、天、地、之、仁、垂、日、月、之、照、察、臣、旣、非、狷、憤、以、肆、
一、朝、之、忿、又、非、矯、激、而、希、高、世、之、名、本、由、多、難、之、
餘、誠、以、不、能、而、止、矜、其、朽、憊、賜、以、哀、憐、許、上、印、章、
退、居、田、里、使、病、樗、擁、腫、盡、爾、天、年、斥、鷃、逍、遙、遂、其、
物、性、幸、克、成、於、素、志、惟、仰、賴、於、鴻、私、

第四表

未、忍、遽、捐、幸、曲、憐、於、舊、物、尚、茲、再、黷、蓋、中、迫、於、危、
誠、進、冒、誅、夷、俯、深、殞、越、中謝伏、念、臣、以、一、介、無、能、

之、賤、荷、三、朝、特、達、之、知、仁、宗、擢、自、諸、生、俾、參、二、府、
先、帝、力、排、羣、議、深、察、孤、忠、暨、逢、神、聖、之、纂、臨、竊、幸、
風、雲、之、盛、會、至、於、辨、正、誣、枉、保、全、始、終、雖、天、地、之、
施、無、私、恩、非、責、報、而、犬、馬、之、微、自、效、力、不、逮、心、繼、
之、衰、疾、之、纏、綿、加、以、年、齡、之、晚、暮、寵、榮、旣、過、小、器、
盈、而、必、顛、筋、力、已、疲、飛、鳥、倦、而、思、止、輒、露、乞、身、之、
請、願、諧、解、組、之、歸、而、皇、慈、惻、然、明、詔、屢、下、示、廓、含、
容、之、大、度、慰、安、焦、悴、之、餘、生、祇、服、訓、辭、惟、知、感、涕、
然、而、忠、信、所、以、事、上、理、無、弗、踐、之、空、言、進、退、各、有、

其宜力或不能而當止雖禮著引年之制必待及時而身有負薪之憂亦容辭仕是敢再殫悃悞仰冀哀矜伏望皇帝陛下軫堯舜之深仁推乾坤之曲造憫其確至賜以允俞俾還頽尾之居遂養漳濱之病再念臣早從壯歲粗學文辭久冒榮階常豐祿賜尚能遇樵夫而談道宣上德以諭愚民與故老而輝金均君恩而榮里巷以終晚節永荷鴻私

第五表

上恩曲諭已至矣而丁寧下愚弗移但頑然而迷執論罪合當於誅戮原情尚冀於矜從中謝伏念臣以空言少實之文守泥古不通之學遭逢享會

玷竊寵靈祿利已豐乃辭陳力恩私未報輒欲便身推是以言固難逃責若乃艱危險陷僅存將盡之餘齡沮辱摧傷無復平生之壯氣加以形骸衰颯疾病侵凌顧難戀於軒裳遂退甘於畎畝語其此志又若可哀自伸五請之勤已涉三時之頃天慈惻隱聖度優容謂駑馬雖疲念服轅之已久而

著簪至賤、閱舊物而不忘、固當上體至仁、勉安厥位、而夏秋交際、痲疹日增、弱脛零丁、惟存骨立、昏瞳眊、督常若冥行、既未知痊損之期、終當廢去、而苟遂退休之懇、尚竊美名、是敢更殫悃悞之私、冀動高明之聽、伏望皇帝陛下、推乾坤亭育之施、回日月照臨之光、少寬屢黷之刑、俯徇至誠之請、庶使戒滿盈而知止、免災疾以全生、老安治世之和、永荷終身之賜、

青州謝上表

掌國五兵、叨進中臺之秩、宣風一面、俾綏東土之人、祇荷寵靈、徒知殞越、中謝伏念臣學非通敏、材

實空疎、幸逢千載之休明、誤被三朝之獎擢、久陪法從、嘗與政機、國恩未報、而身已先衰、世塗可畏、而命亦多蹇、頃緣災疾、遂決退休、敢期上惻於皇慈、未忍遽捐於舊物、而復過推優渥、以慰癯殘、惟孤拙之無堪、蹈艱危而已甚、世之所榮者、臣之所懼、人以爲寵者、臣以爲憂、是敢輒殫悃悞之誠、累黷高明之聽、迫於危慮、罔避煩辭、而聖度并容、寬

其罪戾、恩言屢降、譬以丁寧、知成命之難回、勉覲
顏而祇受、而况全齊舊壤、負海與區、民俗富完、而
鑿井耕田、各安其業、詔條寬大、而奉法守職、足以
修官內省、庸虛奚勝、忝幸此蓋、伏遇皇帝陛下、日
新求治、天覆推仁、謂簪履雖屬、於賤微尚堪收錄、
而犬馬苟豐、於參養猶可使令、臣敢不策勵疲羸、
勤思夙夜、庶期盡瘁、少答鴻私、

謝南郊加食邑五百戶表

紫壇高峙、式薦於精禋、皇澤霧流、推行於大慶、祇

膺寵數、伏切兢營、

中謝

伏惟皇帝陛下、出震膺期、

繼文興治、百度講明、於新政羣生、涵泳於至和、乃
考舊章、聿思報本、謂三歲一郊之禮、必舉以時、偶
四海九州之人、並受其福、遂因景至、躬款陽丘、萬
國充庭、其誰敢後、六卿聯事、各以其官、而臣職忝
頒條位、拘守土執豆籩、而祇役罔獲、施勞逮輝、翟
之餽餘、遽蒙均惠、無功受賞、莫遑俯偃之辭、盡瘁
事君、惟誓糜捐之効、

謝賜漢書表

俯躬承命、拭目生輝、中謝竊以右文興化、乃致治之所先、著錄藏書、須太平而大備、惟漢室上繼三代之統、而班史自成一家之書、文或舛訛、蓋其傳之已久、詔加刊定、俾後學之無疑、一新方冊之文、增煥祕書之府、而奏篇之始、方經衡石之程、賜本之榮、惟及鈞樞之近、敢期孤外、特與恩頒、此蓋伏遇皇帝陛下、曲軫睿慈、俯矜舊物、謂其嘗與臣隣之列、不忍遽遺、憐其自喜文字之間、俾之娛老、然臣兩目昏眊、雖嗟執卷之已艱、十襲珍藏、但誓傳

家而永寶

蔡州乞致仕第二表

睿訓丁寧、曲加慰諭、愚衷懇迫、尚敢黷煩、將再干於冕旒、宜先伏於砧鑕、中謝伏念臣世惟寒陋、少苦竒屯、識不達於古今、學僅知於章句、名浮於實、用之始見於無能、器小易盈、過則不勝、於幾覆、徒以早邁千齡之享、會誤蒙三聖之獎、知寵榮既溢、其涯憂患亦隨、而至稟生素弱、顧身未老而先衰、大道甚夷、嗟力不前而難強、每念恩私之莫報、兼

俯躬承命、拭目生輝、中謝竊以右文興化、乃致治之所先、著錄藏書、須太平而大備、惟漢室上繼三代之統、而班史自成一家之書、文或舛訛、蓋其傳之已久、詔加刊定、俾後學之無疑、一新方冊之文、增煥祕書之府、而奏篇之始、方經衡石之程、賜本之榮、惟及鈞樞之近、敢期孤外、特與恩頒、此蓋伏遇皇帝陛下、曲軫睿慈、俯矜舊物、謂其嘗與臣隣之列、不忍遽遺、憐其自喜文字之間、俾之娛老、然臣兩目昏眊、雖嗟執卷之已艱、十襲珍藏、但誓傳

家而永寶

蔡州乞致仕第二表

睿訓丁寧、曲加慰諭、愚衷懇迫、尚敢黷煩、將再干於冕旒、宜先伏於砧鑕、中謝伏念臣世惟寒陋、少苦竒屯、識不達於古今、學僅知於章句、名浮於實、用之始見於無能、器小易盈、過則不勝於幾覆、徒以早邁千齡之享、會誤蒙三聖之獎、知寵榮旣溢、其涯憂患亦隨而至、稟生素弱、顧身未老而先衰、大道甚夷、嗟力不前而難強、每念恩私之莫報、兼

而老亦至故自辭於機政卽願謝於軒裳蒙上聖
之至仁念三朝之舊物每曲煩於訓諭久未忍於
棄捐竊惟臣之事君必本忠信言不顧行是爲罔
欺而臣口日誦於田間身坐貪於祿利可畏至公
之議何施有覲之顏每自省循莫遑啟處是敢罔
避再三之煩黷猶希萬一之矜從伏望皇帝陛下
特軫天慈俯回睿聽察前言之可復蓋屢請者有
年哀下愚之不移俾卒成於素志徇其所欲乞以
殘骸臣若得上還印綬於有司自駕柴車而卽路

晚節知無於大過沒身永荷於鴻私

謝致仕表

愚誠懇至曲軫於皇慈寵命優殊特加於常品本
期得謝更此叨榮中謝伏念臣猥以庸近之材早
邁休明之運不通之學旣泥古以難施無用之文
復虛言而少實是以三朝被遇四紀服勞蒙德重
於丘山論報亡於毫髮而年齡晚暮疾病尪殘輒
希知止於前人不待及期而後請自陳悃悞屢至
黷煩旣久歷於歲時始曲蒙於開可仍超加於異

數非止賜於殘骸道愧師儒乃忝春宮之峻秩身
居畎畝而兼書殿之清名至於頭垂兩鬢之霜毛
腰束九環之金帶雖異負薪之里何殊衣錦之歸
使閭巷咨嗟共識聖君之念舊搢紳感悅皆希後
福之有終豈惟愚臣獨受大賜此蓋伏遇皇帝陛
下無私覆物博愛推仁以其夙幸遭逢密契風雲
之感會曾經服御不忘簪履之賤微致此便蕃萃
于衰朽雖伏櫪之馬悲鳴難戀於君軒而曳尾之
龜涵養未離於靈沼餘生易畢鴻造難酬

謝免明堂陪位表

合宮大啟爰講於上儀明詔忽頒俾祇於嚴召被
恩言之優渥撫病質以兢營中謝伏惟皇帝陛下

仁聖聰明憂勤慈儉遂羣生而涵育臻至治於和
平乃因萬物之成秋爰卽九筵而展禮陟降薦獻
百官以職而各供膺受福釐一人有慶而成賴而
臣近辭印綬方伏田廬當與庶民並蒙餘澤敢期
睿眷尚錄孤孱俾陪在外之臣來預侍祠之列載
念臣自緣災疾幸獲退休殆未踰時尚嬰舊苦雖

朝廷禮樂之盛得與者爲榮而犬馬筋力之衰告
疲而已久既不能於策勵姑自信於竒屯太史滯
於周南惟知歎命子牟瞻於魏闕但極馳心

上胥學士啟

某聞在昔築黃金之館首北路以爭趨附青雲之
名使西山而起價誠以求千里之迹者先其市骨
得一字之寵者榮於袞章而况天下之風采聳聞
口吻之雌黃並出以末塗之佞儗說定鑒於妍媸
日論所加能令重於九鼎髦端或倚可使逸於太

霄是宜殫重趼宿春之勞懷漫刺署里之字鋪論
有素題品攸歸伏惟某官稟粹天英抽華道秘虹
蜺遠映拂霄堦而垂光黼黻摛文絢雲河而發藻
遊士鄉而著品入聖域以踐優爽爽之聲軼前良
而通美琅琅其璞瑞昭世以稱珍爰自覽輝下翔
階木特起倚袂於羣英之毅類弁乎千齡之辰列
坐棘以聯曹署法庭而奏讞若若懷綬宛轉於一
綸翹翹聘車雍容於半刺陳仲舉以題輿而擅美
何恭祖以纒幘而馳稱垂腰佩刀見賞三公之器

追鋒給傳終膺雙武之皮第連最以推高賁初儀
而上獲公車以兩令而持牘綈几以十篇而奏文
禪衣曲裾暮召犬臺之對尚方給札霈灑鴻都之
毫雖西崑者冊書之藏是開乎仙室而東壁者文
章之府載郁於時風居爲顯化之階式是育材之
地爰膺麗正之選首被集仙之名白蟬芸簡以生
香茲焉辟惡紫袷荷囊而備問最近清光固已丹
轂解嘲天祿草經而擬聖金刀博學太乙秉藜而
下觀頃緣泛駕之求亟發違行之訟耻從吏對出

檢猾商謂軒冕之儻來視同於寄物履名教之中
樂坦照乎清襟旋關掌於郡條久從容於別乘一
麾出守固雅尚之所存千里佩青乃上心之攸注
距樾江之清郡標軍壁之上游大鼇之警無譁賈
室之繁甚富足以坐棠聽訟閉閣凝神秀野頒春
過蘅臯而倦目清言捉麈臨雅俗以鎮浮然而未
央居半夜而生思安石以蒼生而待起望之補吏
意雅在於本朝主父出遊帝已嗟於見晚行奉一
封之傳入隨三節之趨見堂堂之姿送之迄日對

顛顛之表、威不違顏、登涉乎赤墀之塗、進重於高
門之地、卓然遠韻、度越諸公、霑芳潤者、漱其清芬、
仰龍光者、思其末照、英風有渙、物議攸歸、矧此妄
庸、盍希品目、伏念某、杜樗楠、槁膏棗、鈍昏抱器質、
以何堪、賦天機而甚淺、晞髮華且徒、跂於清流、措
足英躔、終慙於遠到、自遭家之不造、早遂生於百
憂、茹歎之音、悲存乎手澤、動明之韻、遠失於先時、
西華以孤露而見哀、庾信以流離而多感、矧復齊
氣多緩、嵇筋甚驚、乏朽木之先容、無一錢而爲地、

旁魄而論都邑、則被僮父之訶、頑鈍以取世資、但
聽斲輪之曉、終非令器、第困窮塗、一昨竊萬家之
應書、隨重車而上計、方策條對、屢至猥并、雅拜匪
儀、失於盤辟、甘觸聞而引去、但飲墨以蒙羞、卧漳
濱而養痾、竄身滋、失、予湘纍而感賦、些語迷招、當
樹之於無何、宜匠者之不顧、而或竊先生之餘論、
企諸公之末暉、聞伯夷之名、增其懦氣、伏海濱之
下、久以望風、是敢強飾、固陋之容、庶伸伏拜之謁、
綴窮愁之汗簡、奏蕪累之庸音、竊覘崇閣、將塵隱

凡登太山者小天下、在培塿以宜慚、奏咸池而張
洞庭、非蛙蚊之可度、然遇某官量陂無際、宇蔭甚
穠、推轂成猷、噓枯振德、襄陽秋於皮裏、不言備乎
四時、吞雲夢於胸中、兼容盡於一介、幸望許承音
旨、少貶光塵、曲垂褒采之私、俾獲題評之目、如是
則六轡在手、驥足何滯於蟻封、五色成文、樂節或
資於牛鐸、荷恩有素、累牘奚陳、

謝胥學士啟

近贄蕪音、仰塵紉几、載形答復、深極褒稱、弊帚無

庸愧藏家而自享、重言外獎、千尺牘以必珍、始繩
窮而匣開、爛然在目、旋骨驚而心折、至矣聞音、退
矣頑疎、陰加震疊、竊以昔者魯袞垂乎一字、寵極
於華章、汝月更乎坐評、自成於往法、得河南之口
舌、多藏去以爲榮、獲江左之筆蹤、則神明之來復、
至有不喜人事、常堆案而弗酬、靡答私書、或矜才
而格物、未若翠綏鳴玉之彥、蘭臺金馬之英、品風
流坐正物之源、交士林忘公侯之貴、俯存寒素之
目、母密馨咳之音、兔墨流英、洒鴻都百金之筆、犀

談對客發荊州一日之函有煥私藏因爲殊遇某
倥蒙惟舊操檢弗支乏沃若之軒髦有尾兮之長
醜顧右臂而爲彈早歎繭疲雖左肘之生楊徒能
殫化爰以自童髮之交剪浴聖日之光華勉紹箕
裘懼隳門素冠乎枝木莫踐化人之場鈍若神槌
爰對囊錐之穎一昨與偕外計續食縣官之郵召
詣中臺果玷浮華之目州閭貶於素論篋行棄於
祭芻委末路而弗振與清涂而自隔然或鼓舞至
化呻吟變儒効騷人之鬱伊慕漳濱之模楷品之

上下曾弗齒於鍾評擲中宮商宜遠慚於孫賦奚
辨麗而可紀徒骯髒以興譏何弗避於詆訶輒外
彰於嗤鄙蹉跎短韻迨無取於擊轅盧胡見貽乃
自珍於乾璞所期用覆醬甌譬十年之練都投置
皮箱資一笑於相樂伏蒙某官憫菀愚之無似加
品目之惟優醜以愛忘音緣賞奏許上修名之謁
獲伸拜德之恭後堂執經飫陪一肉之賜西齋坐
宴密親三雅之歡執如意以指譚務車轂而推引
噴咳珠玉大小以之成珍指顧飛沉眄睐於焉起

色出乎望表、溢乃情涯、而復俾十倍而增榮、示一
謙而爲美、當黜閭之多暇、枉虞筆以摛文、縟旨星
稠、襞牋雲落、布帛之言甚暖、暴以秋陽、齒牙之論
所加重於大呂、譬以明月、闇投於人不意、此音猥
來入耳、謹當納藏、行楮歸耀、當閭襲以十綈、爲天
下之至寶、脫復一讀、解軀中之不安、貴洛紙而爭
傳、與吳刀而共布、隱恩所及、頂踵奚勝、

謝國學解元啟

伏覩解文、濫膺名薦、肆三合雅、方列於胄筵、旅百

在庭、遽陪於方貢、惟遼東之彌衆、叨首舉以爲榮、
飾讓無從、循涯有溢、竊以姬庭講治、務多士之思、
皇漢席遲賢、以得人而爲盛、然皆謹能書而上獻、
始揚進造之名、隨計吏而與偕、乃署秀廉之等、一
適謂之有德、九變選乎知言、所以樂育羣材、並贊
郁乎之化、潤色鴻業、協暢炳然之風、用登至平、皆
由此道、而况成均講藝、昭五帝之遺文、辟雝環流、
聳三宮而對峙、自京師而首善、俾天下之向風、卓
爾丕燹、垂之來葉、皇上握褒文而統理、坐法宮以

垂精並舉豐規丕揚先烈恢迓衡之至治擊入穀
之羣雄躬孝武招徠之勤紹永嘉敦樸之舉取之
數路並用文武以兼通託之百朋思講天人之相
與並申辨論之法特爲孝秀之門責土著以占名
謹鄉評之清議一郡國之衆咸使得以應書百孝
廉之羣皆勸令其趨駕固以厚一馬乘輶之聘光
束帛賁園之招張羅挂雲盡取於逸翮傾崑取琰
無復於遺珍超振古以無前契千齡而猶是而復
詔大胥之掌版登遊倅於上庠謹從事以新書先

考言而明試才可嘉於辨麗擇之妍詞言析理以
精詳求於閎論當此三道使無諱以著於篇對有
百人盡揮毫欲善其事自非行能高妙業履優殊
闕覽乎九家之流含漱乎六藝之潤講乎高誼而
已久識必研幾施之當世而可行言皆詣理則何
以當重圍之樹棘並列於名聞佩後席之容刀得
趨於臺試如某者天機甚淺俗韻素冥響未徹於
一臯器不賈於當世瑣尾成乎長醜寒素本乎後
門撫頑鈍以無庸常拙艱而茹歎首戴蒲而服業

早失先疇、書剖楹而發函、僅存手澤、毀瓦居慚於
志食不龜安、可以得封、勉爲佔畢、以呻吟動取戲
儒之詬病、晞髮光華之旦、徒慶於逢辰、策足英雄
之躔、奚能於遠到、嘗因續食於縣次、獲陪待詔於
公車、對策無爲、終以空言而罷雅、拜非禮、幾坐舉
者之人、辱皮相以堪羞、耗心氣而都盡、諱窮極於
反袂、鍛羽嗟其觸隅、學揣摩而不成、反嗤於丘嫂、
旁離騷而發詠、幾吊於湘纍、志銷落以堙沈、迹零
丁而孤苦、頃自脫身僑籍、著錄師黌、學狗曲以見

譏、肄鱣堂而卒業、入梁滋久、敢期英俊之並遊、論
都未成、殆以愴荒而見隔、對合鱗而記食、躡訛履
以倦遊、會深詔之急、賢俾命鄉而論士、靡慚銜鬻
之技、上充跡弛之求、輒以復來、勉茲再鼓、當翰場
之斯闢、接雋軌以並馳、禿千兔之毫、筆不停而爭
綴、舉連帷之袂、袍何白以太紛、曾是鯁生、最當前
列、躑躅燥吻、舌不下以喬然、彫琢曼詞、思彌枯而
兀若、率有枚生之累、句僅同睢苑之後、成日佇報
聞、陰圖引去、夫何濫吹之曲、誤中程文之規、用冠

譽髦越陞上級屏間、誤墨本無望於成蠅、竈下焦
桐、豈有思於爲器、玷茲褒采、實駭羣倫、顧揚糝以
增羞、在冠釐而易稱、再循竊據、實用覲顏、此蓋伏
遇某官表燭羣倫、丹青上化、雌黃在口、捉塵尾而
不休、翦拂長鳴、託旌端而可逝、因興民於三物、務
推轂於諸生、致此妄庸、及於甄采、敢不仰銜提獎、
益勵進修、磨鉛鈍以爲銛、策蹇步而希驥、哆兮箕
舌、已歛糠而在前、沛乎鴻毛、使培風而直上、用於
知已、答乃初心、過此以還、未知所措、

謝進士及第啟

楓宸夔漢方贊趨而在庭、雲幄靚深、遽臚傳而唱
第、竊顧無庸之品、仍躋異等之科、祇服寵靈、實增
震悸、竊以思皇之詠多士、雅頌播於姬庭、間出之
有異人、文章炳乎漢德、選知言於九變、東都下深
詔之辭、開孝秀之一門、唐家有得賢之盛、皆所以
招徠時彥、樂育人材、講求精稜之原、潤色帝王之
美、卓爲往範、垂照來今、丕哉文物之華、屬我神靈
之運、國家右賢興治、若古敷猷、休聲塞乎淵泉、至

德湧於烽火，彌文上化，疏壁水以環流，儲精太寧，坐蒿萊而講道，爛乎舜日之晏晏，煥乎堯章之巍巍，而且優游巖廊，夢想豪俊，下賢書而旁午，諭上意之丁寧，復詔策於廉科，謹鄉能於歲舉，馳封一馬，使者在道而相望，翹首羣英，天下嚮風而咸靡，逮計車之偕上，首方貢以前陳，委密侍之鉅賢，先春闈而覆較，氈筆署乎重棘，奏可而後行，錦几坐乎中楹，親臨而明試，森陳奏牘，逮兩令之不勝，精閱書衡，幾百斤而未止，自匪該明治具，佩服儒規。

行實藹乎徽猷，識宇包乎賢業，寢明寢昌之畢講，學際乎天人之交，至纖至悉而不遺，言達於國家之體，則何以上當乙覽，榮中甲科，聯俊又以服官，陪英雄而入彀，如某者風猷靡立，操植素淪，樹樗甚乎液楠，膏棗嗟乎昏鈍，戴枝冠而竦誚，切愧命儒，問天咫以不知，終然懵學，加以素鍾舛運，生邁百罹，自翦髮以交垂，已不髦而茹歎，逐耕夫而衣襪，早去先疇，署生版以占名，轉隨僑籍，流離未路，怡儼後塵，借譽羣公之遊，本無題目，接足諸生之

後多見排根、嗟盛際之親逢、恐窮途而自竄、陪貢
廉於百郡、每與計偕、飲試墨之一升、嘗從罷去、退
慙蹉跎、數此隻竒、撫骨嗟乎、淪鋪卷耳、甘於藏密、
然而良裘學治、惜先芬而懼墮、母髮垂星、感親闈
之思養、及未衰於駒齒、勉自奮於駑筋、乘下澤以
去鄉、棄裂繻而爲誓、車騎乏甚、都之雅風、塵有化
俗之勞、上國連衡、仰攀於俊軌、橋門倚袂、獲覘於
邦光、會泛駕之求才、輒應書而充賦、以孝廉而附
策本、無百六之能、自銜鬻之上書、蓋逾千數之衆、

逮漢庭之籍奏、咸以名聞、同矍圃之去賓、僅有存
者、顧惟庸妄、首玷甄陞、獲召於公車之庭、給試乎
上方之札、致狂言之誤、擇叨署第、以開榮若若飛
華、交垂宛轉之綬、諄諄其誨、載聆郁穆之言、浸雲
澤以芬流、沐天光之下燭、竊慙鈇鈍、嘗厠翰場、屢
以下中之才、當乎第一之選、宜不失於舊物、期仰
答於知人、然其戰屢勝、而後驕鼓至三、而乃竭綆、
短褚小嗟、遠用以奚勝、弓撥矢鉤、惜前功之皆廢、
誠以九闈坐狄、百戟森庭、就列瞻天、駭威臨於咫

尺爭觀落筆、紛立若於堵墻、悅訝鈞庭之夢遊、驟
覺幹寬之驚去、僅成牽課、靡中科程、瀆睿覽之至
精、宜報聞於獨罷、尚賴黠旋之過聽、兼求箕斗之
虛名、謂皴揚之在前、常先於羣彥、以薦藉之良厚、
重違於大臣、猥自下流、參聯上列、省逢辰之至幸、
實叨恩之有因此、蓋伏遇某官、闡繹帝猷、雍容朝
首、粉澤光華之治、表燭薦修之倫、膺上心之柬求、
主斯文之盟會、言皆有味、務推轂以彌勤、先爲之
容、俾朽株之見用、致茲屏瑣、及此抽揚、敢不愼服
過此以還、未知所措、

代王狀元謝及第啟

官箴遵修士、則鞭後策足、更希遠致之塗、鎔金鈞
泥、尚依陶者之力、誓殫用拙之効、少酬再造之恩、
坐狄啟扉、並集千人之俊、賜袍在笥、驟紆一采之
綸、矧惟蕞爾之軀、仍玷褻然之首、仰膺渥渙、伏積
震惶、竊以周陳三物、以賓賢、必慎命鄉之選、漢開
數路而求士、乃盛得人之稱、用能暢郁乎之文、一
變而至道、飾炳然之化、三代以同風、闡是齊明之

猷允屬神靈之旦、國家景炎、興運赤伏、膺圖敷四
葉以重光、式九圍而用乂、銷鋒偃革、外憺乎靈威、
卷領垂衣、坐朝乎夷憬、上方穆然無事、監于太清、
崇庠序以興文、飾弓旌而招俊、歌莘式晏、咸預於
計、偕游棘樹、圍載嚴於籍、奏敞中楹、而親試、署異
等以精求、所宜得命世之偉才、爲一時之清選、夫
何么陋前玷、寵光如某者、業履空踈、才猷散戾、門
緒本乎寒、素人品幾乎下、中竊逢待旦之盛期、寢
被右文之上化、激昂稚節、策發蒙襟、洩雞白以樹

碑、偶能於童戲、炙簡青而嗜學、常訪於師、嚴徒有
志於雕蟲、僅不成於刻鵠、陸機閱史、尚靡識於撐
犁、枚臯屬文、徒率成於翫、骹早緣妄動、竊企英游、
貢版齋行、常從於末薦、佩刀脫去、尋觸於報聞、何
天幸之聿臻、邁賢書之薦降、濫乎事舉、猥以名聞、
洪惟聖治之光華、蔚有俊才而選集、並進乎千篇
之牘、精覽於百斤之衡、曾是孤生、絕企殊級、豈期
庸鄙、偶中科程、採乎一日之長冠、乃諸生之列、旣
行能之無取、加世胄以非高、蹠踔後塵、迹靡參於

俊軌雖黃餘論名不齒於人評驟從底下之才擢
居第一之選顧倚裳之在列誠揚批以貽譏明命
已行固無容於反汗多言可畏諒彌甚於鑠金豈
非思致異才揖怒蛙而茲始將招駿足假死骨以
爲先則何以靡遺譏薄之姿偶首清明之舉再省
循而是懼實獎擢之有因斯蓋伏遇某官黼黻斯
文丹青至化嘉猷屢進務推轂以爲先賢路一開
使騰夷而有始敢不仰銜恩遇進勵操修循士則
以爲勤佩官箴而有守在鈞以播旣由陶者之爲

摩頂無忘誓答知人之賜過此以往未知所圖

上隨州錢相公啟

比者及期被代投版言歸宿官早愧於迷方書課
厘能於自脫徒以無庸之迹曾希一盼之榮當懷
檄以云初屬擁旄之方始相公坐於雅俗鎮以無
爲民豐四輔之年市息三九之盜行郊憇樹絕無
兩造之辭託乘載賓惟奉百金之晏而况西河慕
府最盛於文章南國蘭臺莫非乎英俊豈伊末迹
首玷初筵至於憐嵇懶之無能容禰狂而不辱告

休、漳、浦、許、淹、卧、以、彌、旬、偶、造、習、家、或、忘、歸、而、終、日、
但、覺、從、軍、之、樂、豈、知、爲、吏、之、勞、芑、德、已、深、遊、藩、未、
幾、旣、而、持、山、國、之、瑞、節、改、戎、乘、而、啟、行、荆、州、遽、失、
於、所、依、周、南、遂、留、於、滯、迹、稍、以、引、去、無、復、並、遊、之、
人、歸、然、自、存、時、有、思、歸、之、嘆、每、臨、風、而、結、想、徒、零、
涕、以、懷、恩、相、公、以、爨、鼎、之、勲、極、公、台、之、重、獨、立、不、
倚、羣、言、互、興、中、山、之、篋、雖、盈、南、海、之、車、終、辨、繫、辭、
有、云、崇、高、莫、大、乎、富、貴、古、人、歎、曰、富、貴、必、履、於、危、
機、伏、惟、推、盈、虛、消、長、之、言、究、動、靜、吉、凶、之、理、秉、珪、
璋、之、德、何、卹、瑕、疵、挺、松、筠、之、心、不、變、霜、雪、雖、流、路、
之、謗、未、免、三、年、以、居、東、而、在、廷、之、臣、豈、無、一、言、之、
悟、主、侯、聞、來、復、以、慶、終、亨、願、無、以、理、而、自、明、當、要、
旣、久、而、復、見、區、區、之、志、實、在、於、斯、徒、有、戀、軒、之、心、
未、知、報、恩、之、所、

謝校勘啟

仰服恩榮、實增震慄、竊以校讐之職、是正爲難、委
方冊於程文、折羣疑於獨見、脫絢組之三寸簡、編
多前後之乖、并盤庚之一篇文章、有合離之異、以

仲尼之博學、猶存郭公以示疑、非元凱之勤經、孰知門王而爲閨、況乃西崑冊府、備帝者之來臨、蓬萊道山、非人間之所見、自匪識窮元本、學漸淵源、究百世之放紛、摠羣言而博達、則何以效官天祿、對青藜而屬書、抱簡羽陵、拂白蟬而辨蠹、如某者器惟庸妄、族本羈單、雖出逢千載之期、而生有百罹之苦、入橋門而著錄、最後諸生、聞月旦之坐評、敢希一目、徒以浸潤、聲明之代、優柔教育之仁、過時之年、已捍堅而難入、少作可悔、終雕刻以無功、

早濫吹以決科、旋釋巾而補吏、逮親而得斗祿、雖慰於予心、歛版以揖上官、遂成於俗狀、學久矣而將落、思兀然而欲枯、進無取、當塗之資、退已失、故時之步、歲月其忽、徒有志於分陰、英俊並遊、方問途而孤進、內顧拙艱之若此、敢懷榮遇、以爲心、豈期天幸之來、特被柄臣之薦、敢辱知人之美、蓋因連茹而陞、蒙曲造之并容、俾考言而善擇、顧無庸之末學、已屢試於有司、鼯鼠之有五能、盡於是矣、鈎刀之堪一割、其可再乎、固無可喜之文、過辱太

優之等、俾從賓席、入預書林、一進階而可榮、何勝於睿渥、三下拜而聞命、深服於訓辭、天闕乍趨、迷目睛而眩轉、芸臺深敞、近星象以昭回、恣窺金匱之書、坐費太官之膳、內循忝摠、有溢情涯、此蓋伏遇昭文相公、獎物均私、樂材推美、圓方有範、大陶冶以埏鎔、高下不欺、正權衡而輕重、閱此庸懦、曲以甄收、誓堅頂踵之誠、永荷丘山之賜、

夷陵上運使啟

某近以狂言、當蒙大譴、荷乾坤之厚施、全螻蟻之

微生、得一邑以庇身、使之思過、竊三鍾而就養、猶足為榮、獲在公麻、是為天幸、伏以運使郎中、懿猷經遠、茂業康時、當一亩之利權、竦百城之威譽、凡居屬部、皆仰餘輝、顧此孤生、最為沉迹、時蒙盼睩、曲賜拊存、安其惶懼之心、慰乃危疑之慮、敢不銘之肌骨、佩恩紀以無忘、策其筋骸、盡疲駑而為報、將謀就道、即遂公趨、瞻企門闕、忻愉罔既、

謝朱推官啟

伏念某出自寒鄉、本非茂器、束髮州里、絕無一日

之評、影纓王畿、竊階羣俊之後、加以識非遠到、才不及中、惟至治之方、隆顧上官之並恪、蘋蘩之不及、職咸盡其能、庖祝之各有司、悉共爾位、豈伊下列、遂敢奸官、因忿躁之使然、奮狂愚而不顧、惡訐爲直、仲尼之所深譏、盡言招人、武子之猶不免、在於庸妄、宜抵譴訶、尚賴至仁、特加寬議、投之遐僻、使自省思、猶寸祿以事親、守一同而庇邑、有民與社、足爲政以効勤、退食自公、敢忘心於補過、是惟天幸、徒自覲顏、伏遇某官、式佐郡符、屈臨賓席、烜

赫天下、方想於風猷、從容幕中、暫爲於府望、是惟孱昧、得庇光華、然而從事有便宜之權、縣吏本徒勞之迹、負弩而隨伍伯、當備前驅、折腰以揖上官、敢羞斂板、況茲異懦、素本孤危、犯忌於時、竄身無所、棄芻道上、過者踐之、搖尾、穽中人、誰憐、爾豈爲某官、哀其戇朴、賜以存憐、削去常儀、自敦高義、猥因介使、先辱長緘、過形溢美之辭、曲盡至勤之意、片言之辱、榮於尼父之褒、一顧所臨、增其大呂之律、徒益撝謙之盛美、豈宜鄙陋之敢當、歲律已殘、

寒威方肅、更祈珍攝、以副傾依。

回王舍人啟

伏審某官光膺寵擢、入掌命書、竊以三代之興、兩漢之治、蔚聲名之爲盛、何前後之相望、蓋以高文大冊之所傳、遺風餘烈之盡在、是以代言之任、難乎命世之才、至於雷動風行、金相玉振、至意難諭、必盡于丁寧、盛德有容、兼資於粉澤、適當休運、允屬鉅賢、伏惟某官識際天人、學通古今、而自親膺聖擇、第中甲科、聞乎風采、而天下悚然、論之人物

而時無先者、若乃從容禁暑、潤色皇猷、使德澤之流、下淪於民、髓文章之盛、交映於國華、遂階榮塗、以致公輔、斯皆雅度之素蘊、考於羣議、而猶稽、豈惟愚矇、私獨稱贊、某跡居遐邑、名在罪人、忽以踰時、未能補過、省孤危之已甚、惟藏縮以爲宜、豈望龍光之末輝、希咳唾之餘潤、匪期齒論、猶錄踈頑、先以珍函、越於常禮、遺簪已棄、尚以舊物、而見憐窮谷、久寒忽如溫律之來、煦幽憂、併釋榮感、兼深瞻望、門閤無任飛越。

與晏相公啟

伏念曩者相公始掌貢舉、某以進士而被選掄、及當鈞衡、又以諫官而蒙獎擢、出門館不爲不舊、受恩知不謂不深、然而足迹不及於賓階、書問不通於執事、豈非飄流之質、愈遠而彌踈、孤拙之心、易危而多畏、動常得咎、舉輒累人、故於退藏、非止自便、今者偶因天幸、得請郡符、問遺老之所思、流風未遠、瞻大邦之爲殿、接壤相交、因得自伸懇悃之誠、庶幾少贖曠怠之責、伏惟相公朝廷元老、學者宗師、尚屈蕃宣、行膺圖任、伏惟上爲邦國、倍保寢興、企望旌麾、無任激切。

亳州到任謝兩府書

某此者祇荷朝恩、出分郡寄、退循忝冒、徒積兢慚、伏念某學知行已、而智不周身、才匪適時、而任參大政、用過其量、危而必顛、乃物理之宜、然偶天幸而獲免、昨以怨仇、並作讒謗、交與蓋逢堯舜之聰、明方與夔龍而左右、講新至治、銷伏狂邪、而市虎之言、雖驚於衆、聽投豺之惡、遽屏於遠、方得逃九

死於非辜、實荷更生之大賜、今者特蒙睿眷、深察孤忠、樂土近藩、已曲從於私欲、清資顯秩、仍過竊於寵靈、捨衰疲、勉強之勞、就空曠、逍遙之適、然而坐思補報、歎心存而願違、却視風波、猶寢驚而夢噩、顧獲全身而至此、豈非宰物之深功、仰佩恩私、但銘肌骨、載念某以至愚之朴陋、蹈可畏之危機、徇物從時、旣昧自容之計、拂衣遠去、又無先見之明、惟貪得於暮年、致以身而取辱、而識雖不早、悔尚可追、至於緝風雨之敝廬、治松菊之三逕、少假

歲年之頃、卽爲田畝之人、固將追野老而行歌、永陶聖化、恃仁人之在上、必保餘生、尚有斯誠、猶煩再造、炎歊方盛、機務至繁、上爲廟朝、精調寢膳、瞻依之懇、敷述奚周、

賀韓相公罷相轉司徒兩鎮節度使判相州

書

伏審榮被恩俞、勉從懇請、極便蕃之寵命、均休逸於名邦、伏惟司徒侍中、誠明發揮、德業久大、三朝顧遇、百辟表儀、挺金石之純誠、當國家之大事、上

所取信有疑、決於元龜、民之具瞻、爲望重於九鼎、屬聖神之嗣、統方毗倚於老成、而功高不居、志確難奪、爰併推於異數、用顯答於元勳、孰不秉旄、詎有兼持於雙節、昔嘗衣錦、今而盛服於九章、極古今儒者之至榮、保進退君子之全德、顧惟庸懦、久辱知憐、聆誕告之頒行、極私誠之竊抃、隆寒戒候、大旆啟行、伏惟上爲廟朝、精調寢膳、傾依瞻頌、筆舌奚殫、

回諫院吳舍人書

伏承光奉制恩、入司書命、得人爲盛、輿頌同欣、伏惟某官器稟純明、道探淵蘊、清名峻望、獨映於一時、顧學高文、素推於羣彥、果被上心之柬、進膺寵命之華、紅藥翻階、直禁垣之清切、紫荷持橐、陪法從、以雍容文章、追三代之風、號令警四方之聽、允歸鴻筆、增重本朝、顧惟衰朽之退藏、方與搢紳而竊抃、豈期謙眷、特枉誨函、感服之私、敷言罔旣、

謝判大名府韓侍中惠書啟

伏念東秦僻處、在海一涯、全魏相望、遡風千里、特

枉惠音之問、實惟眷與之私、兼承鎮撫之餘、克集
休祥之祐、伏惟某官、道優文武、業茂臯夔、爲百辟
之表儀、首三朝之勲德、從容進退、雖不有於成功、
出入勤勞、實未忘於憂國、頃遂便蕃之請、豈遑煖
席之安、屬北州大震之災、加仍歲薦飢之後、流亡
殍踣、民未復於故居、招輯綏來、上方倚於元老、豈
不少煩於思慮、夫何暇顧於衰殘、乃知才大經綸、
固多餘裕、契敦道義、復出常情、辱知己之旣深、輒
忘言於叙感、統臨寄重、炎燠時繁、更祈上爲邦家、

頌、精調寢餼、卽還大用、均福羣黎、蕞爾孤生、但同輿

回宮教丘寺丞書

某不聆嘉話、忽已再暮、晚節無堪、久思歸於南畝、
上恩未忍、猶復委於東州、但謀屏迹、以深藏、敢冀
時髦之枉顧、遠貽誨問、寔慰病衰、示之進退之方、
勵以始終之節、愛人不苟、知君子之用心、服義甚
高、俾懦夫之有立、仰銜眷與、徒極佩銘、載嗟疾恙
之攻、兼以年齡之迫、雖請纓自効、豈不竊慕於功

名而伏櫪已疲、第恐難勝於鞭策、未期披款、徒以
傾馳暑伏、方炎襟靈、善嗇區區之懇、敷布奚殫、

賀王相公拜相啟

伏審榮膺帝制、顯正台司、伏惟慶慰、伏以史館相
公、誠明稟粹、精稜窮微、高步儒林、著三朝甚重之
望、晚登文陛、當萬乘非常之知、論道黃扉、沃心黼
扆、果被往諧之命、遂膺爰立之求、左右謀謨、方切
倚衡之任、搢紳中外、益崇巖石之瞻、竊顧病衰、恪
居官守、莫陪班謁、徒用馳誠、春序布和、政機惟密、

伏惟上爲邦國、精調寢興、欣抃之誠、叙陳罔旣、



Vertical text on the right page, likely bleed-through from the reverse side. The characters are faint and difficult to read, but appear to be arranged in a single column.

Vertical text on the right page, likely bleed-through from the reverse side. The characters are faint and difficult to read, but appear to be arranged in a single column.

